



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apollinis Judicium politicum in Monteparnasso Contra Monarchiae sectatores

Boccalini, Traiano

Messinae, 1671

Monarchia Hispaniæ secretarium status facere laborat Cardinalem
Toletanum; qui recusat, & quid eum moverit.

urn:nbn:de:hbz:466:1-13233

*Monarchia Hispania secretarium status
facere laborat Cardinalem Toletanum;
qui recusat, & quidem mo-
verit.*

Rumor per hanc aulam sparsus fuit,
potentissimam Hispaniæ monar-
chiam cogitasse de præcipui status sui
secretario faciendo Illustrissimo Car-
dinale Toletano : quo magna hujusce
in Theologicis providentia adjutaretur
in consiliis regalibus ; nec ibi quicquam
decerneretur , quod contra suam esset
conscientiam. Magnum stuporem huic
aulæ attulit res tam nova & insolens ,
cum quisque sciret , quantum ille an-
tistes in iterata benedictione Christia-
nissimi Galliæ regis , Henrici IV. pa-
rum faverit negotiis regis sui. Pro-
pterea nemo potuit sibi imaginari cau-
sam , quare sagacissima hæc Princeps
in rebus maximi ponderis voluerit
sibi inserviri à subdito adeo infideli.

Quicumque profitentur se nosse mo-
 dum procedendi callidissimæ gentis Hi-
 spaniæ , etiam ex hoc ipso consilio po-
 tuerunt animadvertere , veterem Re-
 gum Hispaniæ prudentiam : quibus
 solemne est , nunquam cessare , ul-
 quedum præmiis , honorificis digni-
 tatibus , & omnis generis artificiiis , ma-
 nifestisque liberalis animi argumentis,
 in partes suas pertraxerint id genus ho-
 minum insignium , quod vident alieno
 esse animo ab iis , quæ consequi re-
 gum interfit , & à quibus in singulos
 dies servitium expectare possint. Ho-
 mines tanto Cardinali fidelissimi refe-
 runt, Illustrissimum dominum , animo
 gratissimo , & incundissimo , recepit
 in se onus oblatum : attamen ea lege,
 quam Hispani continuo repudiarunt.
 Sermo ejus erat ; si quando ipse mu-
 nitus auctoritate sacre Scripturæ , &
 doctrina S. Patrum , ex statutis Cano-
 nicis persuasisset ea , quæ Regali con-
 silio decreta forent , esse aliena & dif-
 senta.

sentanea à lege divina , humanaque ,
 velle tantum sibi potestatem relinqui ea
 impediendi , ne exequantur. Id qui-
 dem omne hunc in finem se facturum ;
 ut mundus agnosceret , regium Theo-
 logum in isto consilio tantum fuisse oc-
 cupatum, & intentum, ut optimè con-
 suleret conscientia regis sui, idque salva
 voluntate Dei : non autem , ut lar-
 vato prætextu stabiliret regiam potesta-
 tem in genus humanum. Quando qui-
 dem nimis turpe, & pudendum illi vide-
 batur, aliquem sui ordinis operam im-
 pendere ad obfignandam impietatem
 diabolicam hodiernæ rationis statum,
 & hominibus simplicioribus, navisque
 minus sagacis, fucum hujusmodi facere,
 ut existiment foedissimas & putidissi-
 mas coepas & muscum orien-
 talem.